



Ofisina Sentral di Statistik

Informashon : (+599 9) 724 1802

Adrès: WTC Building, Piscaderabay s/n

WhatsApp nr : : (+599 9) 520 2227

E-mail: info@cbs.cw

Website: www.cbs.cw

Facebook: cbscur

Komunikado

Willemstad, 28 ougùstùs 2026


Desaroyo di preisnan pa konsumidó na Kòrsou pa luna di yùli 2026

Willemstad: For di sifranan di Ofisina Sentral di Statistik (CBS) ku a wòrdu publiká awe, ta resultá ku e nivel general di preis den luna di yùli 2026 a baha kompará ku luna di yùni 2026. E sifra índise ta 106,9 den yùli 2026. E bahada di yùni 2026 pa yùli 2026 ta 0,1 porshento. E sifra di inflashon den yùli 2026 ta 1,5 porshento.

Desaroyo di preis pa luna di yùli 2026 kompará ku luna anterior yùni 2026


E sifra índise di preis pa konsumidó (CPI) di Kòrsou a baha den luna di yùli 2026 kompará ku luna di yùni 2026. E sifra índise den yùli 2026 ta 106,9 (den yùni 2026 e sifra índise tabata 107,0). E bahada di yùni 2026 pa yùli 2026 ta 0,1 porshento. Den Figura 1 akibou por mira kon preisnan na Kòrsou ta desaroyá durante aña 2026.

Figura 1. Índise di Preis pa Konsumidó (CPI) di Kòrsou den 2026



Den yüli 2026, preisnan di 3 kategoria di konsumo a subi i preisnan di 2 kategoria di konsumo a baha. E sobrá kategorianan di konsumo a keda igual. E kambionan di preis mas importante durante luna di yüli 2026 ta e subida di preis den: Mueblenan i Artíkulonan di Kas (0,2%), Kuminda (0,1%) i Alkòhòl i Tabako (0,1%), i e bahada di preis den: Transporte i Komunikashon (-0,6%) i Bibienda (-0,1%). Den Figura 2 akibou por haña un bista general di e diferente kategorianan di konsumo.

Figura 2. Kambionan den e kategorianan di konsumo den luna di yüli 2026




Desaroyo di preis riba término largu

Inflashon ta reflehá pèrdida di balor di sèn, pues di forsa di kompra, dor di subida di preis di produktonan i servisionan pa e konsumidó, riba término largu (usualmente 12 luna). E porshentahe di inflashon pues ta duna un indikashon di e subida promedio di kosto di bida i p'esei ta ser rekomendá komo instrumento pa indeksashon di salario, penshun, ònderstant/ benefisio sosial, suèldu mínimo i otro entrada.

Inflashon den un sierto luna ta wòrdu kalkulá dor di kompará e promedio di CPI di 12 luna den e luna konserní ku e CPI promedio di 12 luna den mes luna e aña anterior. Si midi e periodo di diesdos luna te ku yüli 2026, kompará ku e mesun periodo un aña anterior, preisnan pa konsumidó na promedio a subi ku 1,5 porshento na yüli 2026, teniendo na kuenta diferensianan chikí pa motibu di redondeo. E promedio di CPI di 12 luna a subi di 104,0 na luna di yüli 2025 pa 105,5 na luna di yüli 2026. Figura 3 ta mustrá e desaroyo di e promedio di CPI di 12 luna, for di yüli 2023.

Figura 3. E promedio di 12 luna di e Índise di Preis pa Konsumidó (CPI) for di yüli 2023



Pa mas informashon, por bishitá e wèpsait di CBS: <https://www.cbs.cw/inflationprices>

////////////////////////////////////